

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS    DATE: 18/08/2025

PM SURYA GHAR

སྲིད་ཆོན་ Surya Ghar གླ་མེད་ གློག་ འཆར་གཞི་ མཐུན་འབྲེལ་ གཞི་གཙུག་གི་ མངའ་སྡེ་ གྲལ་ མཐུན་ལམ་ ཚོད་པའི་ ཁྱོས་བསྐྱར་ དེ་རིང་ ཉམ་བཞག་སྒྲིབ་ སྤྱི་ཁྱབ་ ན་ ཡོད་པའི་ Teesta Lounge ན་ བཞུགས་ ཞིན། ཁྱོས་བསྐྱར་ གི་ གཙོ་འཛིན་ ཏུ་ཆེན་ ཆེན་པོ་ R. Telang གི་ གནང་བོ་ ཞིན། འབྲས་ལྗོངས་ ལོག་འབྲུང་ རྒྱ་ ཡར་རྒྱས་ ལྷན་ཚོད་ གི་ དབུ་འཛིན་ Jeewan Thapa གི་ མངའ་སྡེ་ གྲལ་ མཐུན་ལམ་ ཚོད་པའི་ གཞི་གཙུག་གི་ ཁྱོས་བསྐྱར་ ན་ ལན་པའི་ ཐག་བཅད་ དོན་ སྤྱན་འབུལ་ གནང་བོ་ ཞིན། ཏུ་ཆེན་ གནང་ཤད་ དོན་ ཏུ་ཆེད་ བྱིན་བཞིན་ དེ་མཁུ་ཡུལ་ འདི་ཚུ་ བྱིན་ཤད་ མཉམ་པོ་ འཆར་གཞི་ ལག་ལན་ ལེད་མ་ དོན་ ལས་ལག་ ཚུ་ ལོ་ བཀའ་གནང་བོ་ ཞིན། ཁྱོས་བསྐྱར་ ན་ སྐར་ཏྲག་ མན་གན་ རྒྱལ་ཁོང་ དཔོ་སྦྱང་ དང་ གསོ་རིང་ གི་ རྒྱུ་འབྲས་ འདི་ ཚུ་ Virtual ཐོག་ལས་ བཞུགས་ ཡོད་མཐུན་ སྤང།

PMGSY

སྲིད་ཆོན་ Gram གསོ་རིང་ འཆར་གཞི་ མངའ་འོག་ ཡོད་འབབ་ ལོ་ བྱི་ལོ་ 2024-25 དོན་ དབུས་གཞུང་ རྟོད་རམ་ གི་ tower ན་ འབྲས་ལྗོངས་ མངའ་སྡེ་ དོན་ ཐོན་ཐུང་ བརྒྱ་ཆ་ crore འབུམ་ཐུང་ བརྒྱ་ ང་བདུན་ རི་ཅུག་ གི་ གཞི་གཙུག་ ཏུ་ གནང་བོ་ instalment ལོ་ གནང་བ་ བྱིན་ ཡོད།

IPR – SBI

འབྲས་ལྗོངས་ གཞུང་ གི་ ལྷན་གསན་ དང་ མི་མང་ མཐུན་འབྲེལ་ ལས་ལག་ IPR དང་ SBI སྐར་ཏྲག་ རྩྭ་ གི་ དེ་རིང་ གོ་དོན་ ཡིག་ཆ་ ན་ རྩལ་རྟེན་ གནང་ ཡོད། གོ་དོན་ ཡིག་ཆ་ ན་ IPR ལས་ལག་ གི་ ཏུ་ཆེན་ Annupurna Alley དང་ SBI གི་ ལ་སྐོང་ འཛིན་པོ་ (DGM) Prashant Kumar Singh གི་ རྩལ་རྟེན་ གནང་བོ་ ཞིན། SBI གི་ Chief Mananger Phurba Tenzing Sherpa གི་ ཚོད་བསྐྱར་ མི་ཆེ་ ཉེན་སྲུང་ འཆར་གཞི་ མངའ་འོག་ SBI གི་ ཏི་ཅུག་ འབུམ་ བརྒྱ་ གི་ མི་ཆེ་ ཉེན་སྲུང་ coverage རྩལ་ཤད་ གི་ གཏམ་ གསུང་ཡོད།

AYUSH DEORALI

Ayush ལས་ལག་ གི་ བཀའ་སློབ་པོ་ གཙོ་འཛིན་ དང་ OSD གི་ འགོ་བརྒྱུད་ ཚུ་ མཉམ་པོ་ དེ་རིང་ གསོ་བ་ རིག་པ་ ཤེས་ཡོན་ དབུ་ཁང་ དང་ Deorali ན་ ཡོད་པའི་ NIT མཐའ་འཁོར་ ན་ ཡོད་པའི་ གསར་བཞེད་ གནང་བཞིན་ ཡོད་པའི་ མལ་ཁྲི་ 30 གི་ Ayush སྤྱན་ཁང་ གི་ ས་ཆ་ གཟེད་སྐྱར་ གནང་བོ་ ཞིན། འགོ་བརྒྱུད་ ཚུ་ གི་ གསོ་བ་རིག་པ་ ལས་གཞི་པོ་ ཚུ་འདི་ གཟེད་སྐྱར་ གནང་བོ་ ཞིན། དང་ གསོ་སྤྱོད་ བཟོ་ཤད་ ན་ རིག་གཞུང་ འགོ་ལུག་ གི་ སྤྱན་འབུལ་ གནང་བོ་ ཞིན།

NAMCHI

དབུལ་ཅིས་ གྲལ་ཆུད་འཐུན་འབྲེལ་ ན་ ལྷ་བ་ གསུམ་རིང་ དབང་ཆ་ ཅན་ ལས་རིམ་ གི་ ཐུང་ཅན་ ཅིག་ ཐོག་ལས་ མངའ་སྡེ་ གྲལ་ banker ཚོད་པོ་ འབྲས་ལྗོངས་ གི་ ཆོས་ 22 ཉེན་ ཆེ་ རྣམ་ཅི་ ན་ Mega Camp ཅིག་ འགོ་བརྒྱུད་ གོ་ ཞིན། Mega Camp འདི་ གི་ Pradhan Mantri Jan Dhan འཆར་གཞི་ སྲིད་ཆོན་ ཐོག་ འོད་ ཉན་སྲུང་ སྲིད་ཆོན་ སྲུང་སྦྱོབ་ ཉེན་སྲུང་ འཆར་གཞི་ Atal Pension འཆར་གཞི་ དང་ PMJDY དང་ དབུལ་དེབ་ འདི་ཚུ་འདི་ ལོག་སྤྱི་ KYC མཉམ་པོ་ འདྲ་མན་འདྲ་ སྲུང་སྦྱོབ་ དང་ དབུལ་ཅིས་ གྲལ་ཆུད་ འཆར་གཞི་ འདི་ཚུ་འདི་ མངའ་འོག་ མི་མང་ ཚུ་ ལོ་ གོང་འཕེལ་ དང་ མིང་ཐོག་ དེབ་སྦྱོལ་ གནང་ཤད་ དམིཌ་ཡུལ་ བཞག་ ཡོད།

SIKKIM AKADEMI

Sikkim Akademi གི་ རྒྱ་གར་ ན་ དཔེ་མཛད་ཁང་ རིགས་གསར་ གི་ ཡང་པོ་ མཐོ་མཐུན་ Dr. SR Ranganathan གི་ སྤྱི་འགྲུལ་ ཏུས་བསྐྱར་ གི་ དྲན་གསོ་ ན་ ལྷ་བ་ འདི་འདི་ ཆོས་ 22 ཉེན་ཆེ་ Chintan Bhawan ན་ རྒྱལ་ཁབ་ དཔེ་མཛད་ ཁང་ ཏུས་བསྐྱར་ སྲུང་བཞིན་ ཡོད། ཉེན་ཅིག་ རིང་ ལས་རིམ་ འདི་ ན་ དཔེ་མཛད་ ཁང་ ཤེས་ཡོན་ དང་ རྒྱལ་ཁབ་ ཡར་རྒྱས་ མཉམ་པོ་འདི་ མཐུན་འབྲེལ་ ན་ མཐུན་དབང་ ཚུ་ གི་ ཞལ་གསུང་པོ་ གནང་ཤད་

ཨིན། ག་འདི་ན་ རྒྱལ་ཁབ་ ཤེས་ཡོན་ འཆར་གཞི་ NEP 2020 གི་ སྤྱན་གཟིང་ མངའ་འོག་ དབེ་མཛད་ ཁང་ གི་ འགན་ན་ ལྷ་ཕྱིན་ཤད་ ཨིན།  
ལས་རིམ་ ན་ Sikkim Akademi གི་ མཐོ་རིམ་ སློབ་གྲྭ་ དང་ གཞུག་ལག་ སློབ་ཉར་ཁང་ འདྲ་མན་འདྲ་ གི་ སློབ་ཕུག་ ལུ་ མཉམ་པོ་ དབེ་མཛད་པོ་  
དང་ དབྱད་ཞིབ་པོ་ ལུ་ ལོ་ མགོན་པོ་ བོབ་ ཡོད།

NH-10

རྒྱལ་ཁབ་ འཁོར་ལམ་ ༡༠ སྟོན་ འདི་ བྱས་ ད་རིང་ བཀག་ ཡོད་པོ་ ཨིན། ཐོ་རང་ རྩ་ཏུ་ ཏུས་ཚད་ ༡༡ ཟང་ ལམ་ ཕྱི་ཤད་ ཀ་ རེ་བ་ བཞག་ ཡོད། རྩོ་  
ཐིང་ ཁྲིས་ཏུ་ འཁོར་ལམ་ སྐྱེད་ལམ་ རྟོན་ ཕྱི་ ཡོད་ཤད་ ཨིན།